

ՍՍՀՄ ԿԱԶՄԱՎՈՐՈՒՄԸ ԵՎ ՆՐԱ ՀԱՄԱՇԽԱՐՀԱՅԻՆ ՊԱՏՄԱԿԱՆ ՆՇԱՆԱԿՈՒԹՅՈՒՆԸ

Պատմ. գիտ. դոկտոր Ս. Վ. ԽԱՐՄԱՆԴԱՐՅԱՆ (Մոսկվա)

ՍՍՀՄ կազմավորումը ազգային հարցի սկզբունքորեն նոր լուծում էր մարդկության պատմության մեջ: Ի հակադրություն այդ հարցի բուրժուական դրվածքի, որին բնորոշ է ազգերի անջատումը՝ մանր պետությունների կազմավորումը կապիտալիստական շահագործման և ազգային ու ռասայական խտրականության պահպանման պայմաններում, ազգային հարցի լուծման սովետական եղանակին հատկանշական է խոշոր պետության մեջ ժողովուրդների ազատ միավորումը: Այդ կամավոր միավորման նպատակն էր ստեղծել սովետական ժողովուրդների հզոր պետական-քաղաքական միություն՝ հանուն սովետական իշխանության զարգացման և սոցիալիզմի ու կոմունիզմի կառուցման համատեղ պայքարի:

Բազմազգ սոցիալիստական պետության կազմավորումը սովետական բոլոր ժողովուրդների հեղափոխական ստեղծագործական ջանքերի արդյունքն էր: Այդ բանը կատարվեց կոմունիստական կուսակցության կողմից ղեկավարվող բանվոր դասակարգի գլխավորությամբ: Կոմունիստական կուսակցությունն էր ժողովուրդների ինտերնացիոնալ եղբայրության քաղաքականության ղեկավարն ու կազմակերպիչը, նա էր համախմբում ժողովուրդներին բանվոր դասակարգի հիմնական սոցիալական խնդրի՝ կոմունիստական հասարակության կառուցման իրականացման համար մղվող պայքարում:

ՍՍՀՄ կազմավորումը կոմունիստական կուսակցության տեսական աշխատանքի արդյունքն էր: Լենինի և նրա ստեղծած կոմունիստական կուսակցության մշակած հեղափոխական թեորիան, ալլալային հարցի ծրագրային դրույթները, պրոլետարական ինտերնացիոնալիզմի և սովետական ֆեդերալիզմի սկզբունքները դարձան ՍՍՀՄ կազմավորման պրոցեսի տեսական հիմքը: Ռուսաստանի բանվոր դասակարգը և նրա հեղափոխական կուսակցությունը հանդես եկան որպես ազգային հարցի արդարացի լուծման, ժողովուրդների ալլալային ինքնուրույնության հետևողական պաշտպաններ:

Վ. Ի. Լենինը մեծ ուղադրություն էր նվիրում ազգային հարցին, Ռուսաստանում նրա կոնկրետ արտահայտություններին: Նա պահանջում էր ազգային հարցի հստակ ձևակերպում և լուծում, պրոլետարական ինտերնացիոնալիզմի և բուրժուական նացիոնալիզմի՝ այդ երկու տրամագծորեն հակադիր լուղուների որոշակի սահմանազատում: Լենինի կուսակցությունը հանդես էր գալիս որպես աշխատավորության ինտերնացիոնալ համախմբման դրոշակակիր: Ալլալային հարցում Լենինը, կոմունիստական կուսակցությունը միշտ էլ պայքարել են երկու ճակատով՝ ընդդեմ մեծապետական շովինիզմի և տեղական բուրժուական նացիոնալիզմի: Ըստ որում Լենինը գտնում էր, որ տիրապետող

ազգի կոմունիստների առաջնահերթ խնդիրն է պայքարել նախ և առաջ մեծասպետական շովինիզմի արտահայտությունների դեմ և ընդգծել յուրաքանչյուր ժողովրդի անջատման իրավունքը՝ ընդհուպ մինչև ինքնուրույն պետություն կազմելը, իսկ ձնշված ազգի կոմունիստների պարտքն է հանդես գալ տեղական նացիոնալիզմի արտահայտությունների դեմ և պաշտպանելով ժողովուրդների ինքնորոշման իրավունքը, ձգտել ոչ թե անջատման, այլ ժողովուրդների ազատ, կամավոր միավորման: Այս ինտերնացիոնալիստական սկզբունքների կենսագործումը ժողովուրդների միավորիչ շարժման և ՍՍՀՄ կազմավորման հզոր խթան հանդիսացավ: Ազգային հարցի վերաբերյալ իր ծրագրային դրույթները Լենինի գլխավորած բոլշևիկյան կուսակցությունը պաշտպանեց՝ անհաշտ պայքար մղելով «կուլտուր-ազգային ավտոնոմիայի» մասին II ինտերնացիոնալի հռչակած ոեակցիոն գաղափարի դեմ, որը Ռուսաստանում պաշտպանություն գտավ մենշևիկների, բուլղականների, լեհական, լիտվական, լատիշական, ուկրաինական, անդրկովկասյան և այլ նացիոնալիստների կողմից:

«Այդ ծրագրի հիմնական, սկզբունքային սխալն այն է,— նշել է Վ. Ի. Լենինը,— որ նա ձգտում է կյանքի մեջ մարմնավորելու ամենանրբին և ամենաբացարձակ, մինչև վերջը հասցրած նացիոնալիզմը»¹:

Սոցիալիստական հեղափոխության հաղթանակի համար մղված պայքարում կոմունիստական կուսակցության ստրատեգիայի և տակտիկայի հիմքում ընկած էին պրոլետարական ինտերնացիոնալիզմի լենինյան գաղափարները, որոնք օգնում էին բոլշևիկներին հաջողության հասնել երկրի բոլոր ազգերի և ազգությունների աշխատավորության համախմբման գործում: Ֆարիզմի և բուրժուազիայի դեմ ամբողջ Ռուսաստանի պրոլետարիատը հանդես էր գալիս որպես միասնական ինտերնացիոնալ ուժ:

ՍՍՀՄ կազմավորումը կոմունիստական կուսակցության ֆաղափական աշխատանքի արդյունքն էր: Հոկտեմբերյան սոցիալիստական մեծ հեղափոխությունը, բանվորա-գյուղացիական սովետական իշխանության հաղթանակը, պրոլետարիատի դիկտատուրայի հաստատումը, արտադրության միջոցների հանրայնացումը այն բաղան էին, որի հիման վրա հնարավոր էր դառնում ժողովուրդների Եղբայրական համագործակցությունը մեկ պետության մեջ: Միայն սոցիալիստական հեղափոխությունն ապահովեց բանվոր դասակարգի գլխավորությամբ ժողովրդական բոլոր ուժերի սերտ միավորումը կապիտալիստական շահագործման սիստեմը, ազգային ձնշումը վերացնելու նպատակով, որն անհրաժեշտ պայման էր դեմոկրատական, սոցիալիստական հիմունքներով ազգերի միավորման համար: Հոկտեմբերյան հեղափոխության հաղթանակը արմատական սոցիալ-տնտեսական վերափոխումների, ազգային հարցում լենինյան ծրագրի իրագործման, ազգային սովետական հանրապետությունների առաջացման և մի եղբայրական ընտանիքում նրանց միավորման գլխավոր քաղաքական գործոնն էր:

Ռուսաստանի նման բազմազգ պետության մեջ ազգային հարցը հանդես էր գալիս որպես սոցիալիստական հասարակության կառուցման արմատական խնդիրներից մեկը, որի ճիշտ լուծումից մեծապես կախված էր նոր հասարակարգի բախտը: Ազգային քաղաքականության իրագործման ուղղու-

¹ Վ. Ի. Լենին, Երկեր, հատ. 20, էջ 22:

թյամբ կոմունիստական կուսակցության և սովետական կառավարության ձեռնարկած միջոցառումները ժողովուրդների իսկապես հեղափոխական միասնություն էին ստեղծում և մեծ նշանակություն ունեին ամբողջ երկրում, նախկին ցարական Ռուսաստանի ազգային ծայրամասերում սովետական իշխանության հաղթանակի համար: Այդ միջոցառումները ազատ, կամավոր միության մեջ միավորվելու նպատակով ժողովուրդների և սովետական հանրապետությունների շարժման սկիզբը դրեցին և նրա զարգացման հիմքը հանդիսացան:

Սովետների համառուսաստանյան II համագումարը իշխանությունը վերցնելուց հետո «բանվորներին, զինվորներին և գյուղացիներին» կոչի մեջ հանդիսավորությամբ հայտարարեց Ռուսաստանի բոլոր ժողովուրդներին ինքնորոշման իրավունք տալու մասին: Ժողովրդական Կոմիսարների Սովետը, լենինի գլխավորությամբ 1917 թ. նոյեմբերի 2 (15)-ին ընդունեց «Ռուսաստանի ժողովուրդների իրավունքների դեկլարացիան», որով հռչակվում էր Ռուսաստանի ժողովուրդների իրավահավասարությունն ու սուվերենությունը, նրանցից յուրաքանչյուրի ազատ ինքնորոշման իրավունքը, ընդհուպ մինչև անջատվելն ու ինքնուրույն պետություն կազմելը: Վերացվում էին բոլոր և ամեն տեսակի ազգային և ազգային-կրոնական արտոնություններն ու սահմանափակումները: Ռուսաստանում բնակվող ազգային փոքրամասնություններն ու ազգային խմբերն ազատ զարգացման հնարավորություն էին ստանում:

Ժողովուսովետը մեծ ուշադրություն էր դարձնում այդ սկզբունքների կենսագործմանը. ժողովուրդների զարգացման, նրանց եղբայրական մերձեցման ուղղությամբ ունեցած մշտական հոգատարությունը դառնում է սովետական պետական քաղաքականության անխզելի մասը: ՌՍՖՍՀ՝ առաջին սովետական ֆեդերատիվ հանրապետությունը, հանդես էր գալիս որպես համախմբող ուժ մեկ միասնական սովետական պետություն ստեղծելու ուղղությամբ ընթացող միավորիչ շարժման մեջ: Բոլոր սովետական հանրապետությունները իրենց սահմանադրությունների համար որպես նախատիպ ընտրում էին ՌՍՖՍՀ սահմանադրությունը: Ազգային հարցի գործնական լուծումը Ռուսաստանյան Ֆեդերացիայում հսկայական նշանակություն ունեւ ՍՍՀՄ կազմավորման համար մղվող միավորիչ շարժման մեջ:

ՍՍՀՄ կազմավորումը սովետական ժողովուրդների բազմակողմանի փորձի առդյունք է, այդ թվում նաև հանուն սոցիալական և ազգային ազատագրման մղած համատեղ պայքարի պատմական փորձի արդյունք:

Ռուսական կայսրության ժողովուրդների ազատագրական, հեղափոխական պայքարը կազմակերպված և նպատակասլաց բնույթ ստացավ լենինյան կուսակցության ստեղծումից հետո: Դասակարգային պայքարի բովում ամրասլնդվում էր բոլոր ազգերի պրոլետարների մարտական միասնությունը, ծընվում էր բանվոր դասակարգի և աշխատավոր գյուղացիության դաշինքը: Կուսակցությունը մեկ ընդհանուր հոսանքի մեջ միավորեց տարբեր հեղափոխական շարժումները՝ բանվորականը, գյուղացիականը և ազգային-ազատագրականը: Հոկտեմբերյան հեղափոխության ընթացքում ռուսաստանյան պրոլետարիատը հանդես եկավ բոլոր ժողովուրդների ազգային-ազատագրական պայքարի իսկական հեգեմոնի դերում:

Բոլոր ազգերի աշխատավոր զանգվածները, կենտրոնական Ռուսաստանում Հոկտեմբերյան հեղափոխության հաղթանակով ոգեշնչված, լենինի կու-

սակցության ղեկավարությամբ իրենց մոտ սովետական իշխանություն էին հաստատում: Իրականացնելով ինքնորոշման իւրավունքը, նախկին ցարական Ռուսաստանի ժողովուրդները կազմում էին սովետական հանրապետություններ:

Նախկին իշխող դասակարգերի, բուրժուա-նացիոնալիստական կուսակցությունների, օտարերկրյա ինտերվենտների հակասովետական կոալիցիան երկիրը ներքաշեց քաղաքացիական կռիւների հորձանուտի մեջ: Ըստ որում հատկանշական է, որ եթե մինչև Հոկտեմբերյան հեղափոխությունը բուրժուա-նացիոնալիստական հակահեղափոխական կուսակցությունները կողմնակից էին «միասնական անբաժանելի» բուրժուական Ռուսաստանի և ձգտում էին սոսկ ննքին ինքնավարության, ապա սոցիալիստական հեղափոխության հաղթանակից հետո նրանք, իրենց դասակարգային շահերից ելնելով, զնացին քաղաքական և ազգային սեպարատիզմի ուղիով, վերածվեցին Սովետական Ռուսաստանից անջատվելու և մանր, ազգային բուրժուական պետությունների տրոհվելու կատաղի կողմնակիցների: Դա հակաժողովրդական քաղաքականություն էր, քանի որ դեմ էր զնում ժողովուրդների հզոր միավորիչ շարժմանը, որը Հոկտեմբերյան հեղափոխության հաղթանակի հետևանքն էր:

Ժողովուրդների միավորիչ շարժումը ամենևին էլ տարերային չէր, նրան ուղղություն էր տալիս և զլխավորում էր կոմունիստական կուսակցությունը, որի համար պարզ էին միասնական սովետական պետության կազմավորման պայմանականորեն պայմանավորված լինելը և հասունացած անհրաժեշտությունը:

ՍՍՀՄ կազմավորման տնտեսական ազդակը ժողովուրդների ձգտումն էր ղեկի խաղաղ սոցիալիստական ստեղծագործ աշխատանքը, իրենց փաստական անհավասարության վերացումը, սոցիալիզմի, կոմունիզմի կառուցումը: Դա պահանջում էր սովետական հանրապետությունների ավելի սերտ միավորում: Միայն բոլոր հանրապետությունների համատեղ ջանքերով հնարավոր կլիներ վերականգնել պատերազմի հետևանքով քայքայված արտադրողական ուժերը՝ հենվելով արտադրության փոխադարձաբար օգտավետ մասնագիտացման, աշխատանքի բաժանման և բնական հարստությունների էֆեկտիվ օգտագործման վրա: Միայն սովետական հանրապետությունների սերտ միությունը կարող էր ապահովել աշխատավորների բարեկեցության արագ աճը, բոլոր ազգերի և ժողովուրդների բազմակողմանի զարգացումն ու մշակութի ծաղկումը: Կապիտալիստական շրջապատման պայմաններում, առանց սովետական հանրապետությունների սերտ միության անհնար էր պահպանել նրանց գոյությունը: Սովետական հանրապետությունների միավորումն անհրաժեշտ էր նաև սոցիալիստական շինարարության ամենից ավելի էֆեկտիվ ուղիներ մշակելու նպատակով տնտեսական պլանավորման ընդհանուր սխեմայի կազմակերպման համար:

Այսպիսով, 1922 թ. սովետական հանրապետությունների միավորիչ շարժումը դուրս եկավ պայմանագրային հարաբերությունների փուլից և թեակոխեց բազմազգ սովետական պետության կազմավորման փուլը. սովետական հանրապետությունների պետական-քաղաքական միավորումը օրակարգի հարց դարձավ: ՍՍՀՄ կազմավորումը նախապատրաստված էր սովետական հանրապետությունների փոխհարաբերությունների փորձով: Սակայն կազմավորման բուն պրոցեսը բարդանում էր երկրի տնտեսական և կուլտուրական

հետամնացության, ազգային թշնամանքի մնացուկների, նացիոնալիզմի, կուսակցության ներսում նացիոնալ-ուկլոնիստների վնասակար գործողությունների հետ կապված մի շարք դժվարությունների պատճառով:

Սովետական բազմազգ պետության պետական կառուցվածքի ձևը գրտնրվեց Լենինի հանձարի շնորհիվ: Լենինի և կոմունիստական կուսակցության աեսակետները սովետական ֆեդերացիայի մասին զարգացվում և լրացվում էին ազգային հարցի լուծման պրակտիկային համապատասխան: Լենինը ղեկավարում էր սովետական հանրապետությունների ազգային-պետական շինարարությունը և դրա փորձի ընդհանրացման հիման վրա սովետական ֆեդերացիայի ամրապնդման նոր ուղիներ էր որոնում: Նա ընդգծում էր ավտոնոմ և անկախ սովետական հանրապետությունների ֆեդերատիվ կապերի էական տարբերությունը, որից բխում էր այդ կապերի զարգացման անհրաժեշտությունը: Լենինը տվեց սովետական ֆեդերացիայի նոր, բարձրագույն ձևի գաղափարը, հիմնավորեց միութենական պետության կազմակերպման սկզբունքները:

ՍՍՀՄ կազմավորման լենինյան ծրագիրը նախատեսում էր իրավահավասար, սովերեն հանրապետությունների կամավոր միություն՝ հետևողական սովետական դեմոկրատիզմի սկզբունքներով: Սովետական կարգերի առկայության պայմաններում հանրապետությունների ինքնուրույնությունը և հավասար հիմունքներով նրանց սերտ միավորումը չէին հակասում միմյանց: Այդ պատճառով Լենինը կտրականապես մերժում էր ինքնուրույնության բուրժուանացիոնալիստական ըմբռնումը (ազգային-պետական մեկուսացում, սեպարատիզմ) և գտնում էր, որ մեկ միութենական պետության մեջ սովետական հանրապետությունների միավորումը լիովին կպահպանի նրանց պետական ինքնուրույնությունը, կապահովի ժողովուրդների փաստական անհավասարության հաղթահարումը, նրանց կոոտեցնի սոցիալիզմին:

1922 թ. դեկտեմբերի 30-ին Մոսկվայում կայացավ ՍՍՀՄ Սովետների I համագումարը, որը հիմնադրեց Սովետական Սոցիալիստական Հանրապետությունների Միությունը:

Այսպիսով, կոմունիստական կուսակցության տեսական և քաղաքական գործունեությունը, սովետական հանրապետությունների ֆեդերատիվ կապերի ամրապնդման փորձը, ժողովուրդների ձգտումը դեպի միավորումը հանգեցրին միութենական պետության կազմավորմանը:

Սովետական հանրապետությունների միավորումը ՍՍՀ Միության մեջ հնարավորություն տվեց կենտրոնացնելու երկրի բոլոր ուժերը, հսկայական միջոցներն ու հարուստ ռեսուրսները սոցիալիզմի և կոմունիզմի կառուցման համար: Ժողովուրդների բարեկամությունն ու համագործակցությունը նրանց կուլտուր-տնտեսական զարգացման հղոր խթաններ դարձան: Սոցիալիզմի հաղթանակը, սոցիալիստական ազդերի հսկայական հաջողությունները, նրանց բուռն, բազմակողմանի զարգացումը և միաժամանակ գնալով աճող մերձեցումը ազդում էին սովետական մարդկանց և ողջ մարդկության գիտակցության վրա, մեծապես ուժեղացնում սոցիալիզմի գաղափարների ձգողական ուժը:

ՍՍՀՄ կազմավորումը պատմական նշանակություն ունի ամենից առավելատական հանրապետությունների ժողովուրդների համար, որոնք ընդհանուր պետական ընտանիքում իրենց անկախության և ինքնուրույնության հուսալի

երաշխիք և սոցիալիստական դարգացման համար նպաստավոր պայմաններ ստացան: Վ. Ի. Լենինը նշում էր, որ պետք է ամրապնդել Սովետական Միութիւնը. «Ինչպես հարկավոր է, ինչպես հարկավոր է համաշխարհային կոմունիստական պրոլետարիատին՝ համաշխարհային բուրժուազիայի դեմ պայքարելու և նրա ինտրիգներից պաշտպանվելու համար»²:

1941—1945 թթ. Հայրենական մեծ պատերազմը ամբողջ աշխարհին ապացուցեց ՍՍՀՄ բոլոր ժողովուրդների եղբայրական բարեկամության և մարտական համագործակցության անխորտակելի ուժը, Սովետական Սոցիալիստական Հանրապետությունների Միության կայունությունը: Միայն ՍՍՀ Միության մեջ համախմբված լինելով սոցիալիստական ազգերը կարող էին պաշտպանել իրենց ազատությունն ու անկախությունը ֆաշիզմի դեմ մղված կատաղի պայքարում:

Սովետական ֆեդերացիան, ինչպես վերն ասվեց, արմատապես տարբերվում է բուրժուական ֆեդերացիայից: Սովետական դեմոկրատիզմի և ֆեդերալիզմի սկզբունքներն ապահովում են սովետական ազգերի բաղմակողմանի ծաղկումն ու մերձեցումը: «Անցած տարիներին կուսակցության ղեկավարությամբ նոր քայլեր արվեցին յուրաքանչյուր եղբայրական սովետական հանրապետության համակողմանի դարգացման ուղղությամբ, մեր երկրի ազգերի և ազգությունների հետագա աստիճանական մերձեցման ուղղությամբ: Այդ մերձեցումը տեղի է ունենում ազգային առանձնահատկությունները ուշադրությամբ հաշվի առնելու, սոցիալիստական ազգային կուլտուրաները պարզապես պայմաններում: Այդ հարցում կուսակցության քաղաքականությունն չէր հանդիմանում, որ մշտապես հաշվի առնվեն թե՛ մեր ամբողջ Միության ընդհանուր շահերը և թե՛ նրա մեջ մտնող հանրապետություններից յուրաքանչյուրի շահերը»³:

Առանց մերձեցման դարգացումն անհնար է, առանց բաղմակողմանի դարգացման՝ անհնար է մերձեցումը: Սա է ազգերի փոխհարաբերությունների օրյեկտիվ օրենքը Սովետական Միությունում: Այս միասնության ամենամեծ նվաճումներից մեկը սոցիալիստական շինարարության տարիներին Սովետական Միությունում ձևավորված սովետական ժողովուրդն է:

Այսպիսով, իր քաղաքական նշանակությամբ և սոցիալ-տնտեսական հետևանքներով ՍՍՀՄ կազմավորումը նշանակալի տեղ է գրավում սովետական պետության պատմության մեջ: Այդ իսկ պատճառով ՍՍՀՄ կազմավորման 50-ամյակը մեր բաղմալից ժողովրդի մեծ տոնն է:

Միանգամայն հասկանալի է, որ ՍՍՀՄ փորձը դեպի իրեն է ձգում սոցիալական և ազգային ազատագրության համար պայքարող բոլոր ժողովուրդներին: Դրա համար էլ ՍՍՀՄ կազմավորման 50-ամյակը մեծ տոն է ամբողջ առաջադեմ մարդկության համար:

Բաղմալից սոցիալիստական պետությունն ստեղծելու սովետական փորձը մեծ ճանաչում գտավ միջազգային հեղափոխական շարժման կողմից և անդրնահատելի օգնություն է ցույց տալիս նրան սոցիալական և ազգային ազատագրման համար մղված պայքարում:

2 Վ. Ի. Լենին, Երկեր, հատ. 36, էջ 704—705:

3 Լ. Ի. Բրեժնև, ՍՄԿԿ Կենտրոնական կոմիտեի հաշվետու ղեկուցումը Սովետական Միության կոմունիստական կուսակցության XXIV համագումարին, Երևան, 1971, էջ 118:

վ. Ի. Լենինը բաղմիցս խոսել է սովետական երկրում ազգային հարցի լուծման միջազգային նշանակության մասին: Նա կանխատեսորեն նշել է, որ պրոլետարական ինտերնացիոնալիզմի սկզբունքների հետևողական իրականացումը հսկայական դեր կխաղա իմպերիալիզմի ճնշմանը ենթարկված միլիոնավոր մարդկանց համակրանքը շահելու գործում:

ՍՍՀՄ պատմության կեսդարյա ուղին վկայում է այն մասին, որ իր գոյության յուրաքանչյուր փուլում սովետական պետությունը թե՛ բարոյական, թե՛ նյութական ինտերնացիոնալ օգնություն է ցույց տվել աշխարհի առաջադեմ ուժերին, կապիտալիստական երկրների պրոլետարներին՝ կապիտալի լծի դեմ նրանց մղած պայքարի ամենասուր պահերին:

Աշխարհի ճակատագրի համար ՍՍՀ Միության ունեցած համաշխարհային-պատմական նշանակությունը առանձնապես ցայտունորեն արտահայտվեց համաշխարհային II պատերազմի ընթացքում և հետպատերազմյան տարիներին: Սովետական Միությունը վճռական դեր խաղաց ֆաշիզմի ջախջախման գործում: Մեծագույն զոհերի, շտեպնված մասսայական հերոսության գնով սովետական ժողովուրդը մարդկությանը փրկեց ֆաշիստական ստրկացման վրտանգից:

Սովետական մեծ տերության օգնության շնորհիվ Եվրոպայի և Ասիայի մի շարք երկրներ կարողացան իրենց մոտ սոցիալիստական հեղափոխություն կատարել: Հետագայում Սովետական Միության կողմից ժողովրդա-դեմոկրատական երկրներին ցույց տրված աջակցությունն օգնեց նրանց արագորեն ամրապնդել ձեռք բերած քաղաքական և սոցիալական նվաճումները, որը անհրաժեշտ պայմաններ ստեղծեց սոցիալիզմի կառուցմանն անցնելու համար:

Սովետական Միությունը սոցիալիստական երկրների համագործակցության, համաշխարհային սոցիալիստական սիստեմի պատվարն է: ՍՍՀՄ և սոցիալիստական մյուս երկրների աճող հզորությունը իմպերիալիզմի կողմից ճնշված երկրների պայքարի հաջող ելքի կարևորագույն նախադրյալը հանդիսացավ: Այդ պայքարի հետևանքը եղավ գաղութատիրության փլուզումը, տասնյակ երկրներ ինքնուրույն ղարգացման հնարավորություն ձեռք բերեցին: Հանրահայտ է այն մեծ, անշահախնդիր օգնությունը, որ ցույց է տալիս Սովետական Միությունը գաղութատիրության լծից ազատագրված երկրներին: Իրականացավ լենինյան կանխատեսումն այն մասին, որ ՍՍՀ Միությունում սոցիալիզմի կառուցման փորձը օրինակ կծառայի մյուս երկրների համար: Ներկա դարաշրջանում փայլուն կերպով հաստատվեցին Լենինի այն խոսքերը, թե «միջազգային կարևորությունը կամ միջազգային մասշտաբով կրկնվելու պատմական անխուսափելիությունը, ինչ որ եղել է մեզանում... քոլոն երկրներին ցույց է տալիս ինչ-որ բան, այն էլ շափաղանց էական բան նրանց անխուսափելի և մոտալուտ ապագայից»⁴:

ՍՍՀՄ փորձը լայնորեն կիրառվում է եղբայրական սոցիալիստական երկրներում, բացառիկ կարևորություն է ստանում երիտասարդ ազգային պետությունների կյանքում, որոնք օտարերկրյա լծից ազատագրվելուց հետո կանգնած են ղարգացման հետագա ուղիների ընտրության առաջ:

ՍՍՀ Միության կազմավորումն ու ղարգացումը, նրա հաղթանակների պանծալի տարեգրությունը լիովին բացահայտում է մարքս-լենինյան ուս-

⁴ Վ. Ի. Լենին, Երկեր, հատ. 31, էջ 5, 6:

մունքի կենսատու ուժը և համոզիչ կերպով մերկացնում լենինիզմի ու միջազգային կոմունիստական շարժման վրա աջ և «ձախ» օպորտունիստների հարձակումների ողջ կեղծիրն ու սնանկությունը:

Ներկայումս սոցիալիստական երկրների իրավահավասար ընտանիքում ընդարձակվում և խորանում են տնտեսական համագործակցության ձևերը, ավելի լայնորեն են օգտագործվում աշխատանքի սոցիալիստական բաժանման հնարավորությունները: Սոցիալիստական երկրների ժողովուրդները լի են միասնությունն ու համախմբվածությունը ամրապնդելու վճռականությամբ, փնտրում են համագործակցության ամենից ավելի ռացիոնալ ձևեր, որոնցից յուրաքանչյուր պետություն իր տնտեսության զարգացման համար առավելագույն օգուտ է ստանում: Սոցիալիստական համագործակցության երկրները դարձել են աշխարհի ամենահզոր արդյունաբերական գոտին: 1971 թ. Տնտեսական փոխօգնության խորհրդի երկրները ձեռնամուխ են եղել սոցիալիստական տնտեսական ինտեգրացիայի կոմպլեքսային ծրագրի իրագործմանը, որը նախատեսված է 15—20 տարվա համար. արդեն ձեռք են բերվել առաջին շոշափելի արդյունքները այդ վիթխարի ծրագրի իրականացման ուղղությամբ: Սոցիալիստական երկրների համագործակցությունը նույնքան բարենպաստ է եղել դիտության և մշակույթի զարգացման, սոցիալիստական դեմոկրատիայի կատարելագործման համար:

Սովետական Միության հզորության աճը եղել է և շարունակում է մնալ միջազգային ասպարեզում ուժերի փոխհարաբերության փոփոխման, սոցիալիստական սիստեմի ներգործության ուժեղացման և համաշխարհային զարգացման վճռական ուժի վերածվելու կարևորագույն գործոնը: Համաշխարհային սոցիալիստական սիստեմի ամրապնդումը Սովետական Միության և մյուս սոցիալիստական երկրների ղեկավոր ներդրումն է համաշխարհային հեղափոխական պրոցեսի զարգացման մեջ նրա ներկա փուլում: Կոմունիստական և բանվորական կուսակցությունների 1969 թ. միջազգային խորհրդակցությունում նշվեց, որ ՍՄԶՄ և մյուս սոցիալիստական երկրների նվաճումները լիովին համապատասխանում են ամբողջ աշխարհի ժողովուրդների արմատական շահերին և կապիտալիզմի ու դադոթատիռության լծից ազատագրված երկրների ժողովուրդների մեջ սոցիալիզմի գաղափարների պրոպագանդայի հզոր միջոց են ծառայում: ՍՄԶ Միությունում կոմունիզմի կառուցումը արդի հեղափոխական ուժերի առջևից բնթացող սովետական ժողովրդի ինտերնացիոնալ մեծ խնդիրն է:

Գնալով աճում է Սովետական Միության՝ որպես ողջ մարդկության խաղաղության և առաջադիմության հուսալի պատվարի դերը: Մեր երկիրը նվաճել է առաջադեմ մարդկության հիացմունքն ու երախտագիտությունը: Այժմ ՍՄԶ Միությունը աշխարհին ներկայանում է որպես կառուցվող կոմունիզմի երկիր, որպես ժողովուրդների բարեկամության միջնաբերդ, որպես միջազգային հեղափոխական-ազատագրական շարժման հենարան: